

引痘新法全書

坤

✕
i 95-2

1074

4-10-1

獨疾遺
痘形與痘類因得牛之惡痘法經以之得入
然無害於是按古針刺法取牛痘之毒種入
臂背或清公兩二穴而日果於痘刺之痘

其故見牛乳傍有青藍小



東京醫士會

0001

向無

海 邦 傳 告 用 中 輯



引痘略
 痘之種自牛來也。外洋向無此疾。後由他處傳染。患亦滋多。惟畜牛取乳之家。獨不沾染。鑿人欲窮其故。見牛乳傍有青藍小疱形。與痘類。因悟牛之患痘必輕。以之傳。人必無害。於是按古針刺法。取牛痘之漿。種人兩臂。消爍。清冷淵二穴。旬日果於所刺之處。隨出

引痘新法全書

二九 宛室藏

490.9
 In-4
 No. 2192
 112 195-2



富士川支庫

1366

數顆。按日灌水。按日滿漿。按日結痂落靨。無一損傷。無一復出。蓋牛土畜也。人之脾屬土。以土引土。同氣相感。同類相生。故能取效。若此痘種自牛而來。故曰牛痘也。

其曰引何也。曰痘之爲毒。受於先天。感於時氣。散於經絡。男女交感之會。先天胎毒既有淺深。感時行之氣復有善惡。而散於經絡。分配五臟。又有輕重。正痘有發熱卽現點者。最險之症。腎經之毒也。由腎而肝。而心而肺。而脾。傳經既多。其症亦逾減。故痘之發毒。腎最重。脾最輕。按古

痘苗塞鼻孔法。亦必五臟傳徧。始能發熱。緣鼻者肺之外竅也。苗塞鼻中。其氣先傳於肺。肺主皮毛。肺傳於心。心主血脉。心傳於脾。脾主肌肉。脾傳於肝。肝主筋。肝傳於腎。腎主骨。痘毒藏骨髓之內。感苗氣而發。其毒自骨髓盡達於筋。腎藏之毒解矣。自筋盡達於肌肉。肝藏之毒解矣。自肌肉盡達於血脉。脾藏之毒解矣。自血脉盡達於皮毛。心藏之毒解矣。自皮毛盡達於顆粒。肺藏之毒解矣。苗氣必歷五藏層遞而入。內毒亦必歷五藏層遞而出。此傳送之次序也。今種

牛痘法。擇於兩臂中消爍清冷淵二穴。上下交連之處種之。似與塞鼻孔法有異。殊不知二穴部位。乃手少陽三焦經也。三焦者。人身最關要之府。如天地之三元。總領五藏六腑營衛經絡。通內外左右上下之氣。三焦通則內外左右上下皆通。得其關要之處。引之。直從皮毛血脉肌肉筋絡。同時直傳而入。使縱有胎毒深藏於腎。亦自然同時引挈而出。如引路然。引諸坦途。則無顛躓之患。如引絲然。引其端緒。則無棼亂之憂。金鑑所謂引其毒於未發之先者。即此意。張

遜玉種痘新書所謂以佳苗而引胎毒。斯毒不橫而症自順者。亦此意。故凡種痘皆用引法。而引毒從皮毛血脉肌肉筋骨同時而出。則牛痘為最捷也。

痘為小兒一大病。當天行時。人人尚思遠避。今無故取嬰孩而與之以病。可乎。曰。非也。譬之捕盜。乘其羽翼未成就。而擒之。甚易矣。譬之去莠。及其滋蔓未延。芟而除之。甚易矣。人家小兒出痘。如遇險症。延醫服藥。舉家日夕守視。多少酸辛。問卜求神。多少驚恐。其輕者亦須多方調護。

今牛痘則止種四顆或六顆小兒嬉笑飲食一切如常旬日之外告厥成功無災無害不惟小兒省却疾苦即育子者亦省却憂勞法誠善也或問種牛痘有死者否曰斷無致死之理予少時未出天花洋鑿爲予種時年三十二歲今已十有三年矣經予手所種小兒不下萬千皆根基長養以至娶妻生子不能悉數即如南城賓客曾大中丞年近六旬艱于得嗣前開藩吾粵時舉一子命予爲種痘隨手奏效蒙贈以勿藥有喜四字扁額其他所種萬無一失人所共知

若非身試無誤敢以人爲戲乎

首在留養苗漿

牛痘法全在養苗此苗始自外洋嗣後以人傳人貴乎連綿不絕予既於洋行會館設局夏月以八日爲一期春秋冬三季以九日爲一期周而復始來種者風雨勿改而洋行好善諸公復釀金生息自四月至九月來種者酌以菓金與取漿之人其所以設菓金者蓋當盛夏溽暑之時即平日深信者亦多拘執而不肯來痘不種則漿無從取漿不取則苗無以繼今既設菓金

俾來者孩童既獲安全而貧乏亦不無小補於是種痘者源源而來而佳苗乃綿綿弗絕行之既久人咸知牛痘之法雖盛暑亦無礙也

次在認識瘋疾

父母愛子之心人人皆同粵東地勢卑濕不無瘋疾來求種痘者恐一同混雜誤取其漿傳之無疾小兒為害不淺以此告知洋行諸公呈請有司派令養濟院認識瘋疾之人具結存案逢期到局伺候凡來種者先令驗過然後取苗自無貽誤

引泄法

其法不論春夏秋冬隨時皆可不揀天氣不擇良辰不避風不禁忌不分男女不拘大小自小兒生百日後但現在無瘡癩無瘰癧無胎毒及皮膚血熱疖積諸疾病便可隨時引種牛痘灌漿滿足總在八九日故種痘之期大都以八九日為率大早則漿無力遲則漿老無功至期於先一期所種漿水滿足之孩童擇其痘頂不尖脚不斜不皺不黃不破要如紅線圍纏枚束緊實色若珍珠寶光者又察此童現在無瘡癩瘰癧

胎毒皮膚血熱疔積疾病等症者。是謂佳苗。若其痘色淡白。暗而無寶光。頂雖平而脚斜似鬆。中央無一點焦硬者。不宜用。

苗既佳矣。取苗時用刀尖向其痘面四圍輕輕剔破。將痘面中央一點焦硬小靨微揭。其漿清亮者可用。若見漿水濁白或黃。即使刀尖三兩次點去濁漿。俟其流出清漿如圓珠一粒不流散者為貴。好漿一粒可種數人。

種時狹童衣衫兩袖捲貼膊上。用小繩二。前後各一。橫穿兩袖。結束緊緊。令兩臂露出男先左。

女先右。種痘者左手執定孩童之臂。勿令伸縮。右手將刀尖點取佳苗。向兩臂消燦清冷淵穴。每臂每穴各種一顆。如孩童年至八九歲以上。日啗腥膩五味。恐或有後天之毒。則於兩穴上下相連之處。中間更各種一顆。不宜出四顆六顆數外。

其刺法。用刀不宜直豎。宜輕巧。將點苗刀尖輕輕刺皮膚。如一紙之薄。刺處約寬七分。以微見血為度。將刀尖之漿。輾轉按拭。同其微血。注于所刺穴中。使漿與血調和。其氣達于三焦之

經血氣相感，自然取効。斷不宜手重，恐深刺入肉，出血略多。反將苗漿帶去。如法搗畢，其兩臂微血，勿被衣衫拭去。如法搗畢，其兩臂微血，勿被衣衫拭去。可將漿如法搗畢，其兩臂微血，勿被衣衫拭去。原處俟血點既乾，徐將衣袖垂下，不必用紬包裹束扎，反令血氣不行，貼身之衣宜用柔軟絲紬。若衣服漿洗粗硬者，恐致擦損，或出四眼穴。度苗法按期取鮮漿種痘，以人傳人固妙，但祇可施之近處。若遠處難取鮮漿，可尋佳苗之靨。式如前確藏密封帶在身旁，日夜不離，可以留十日半月。

倘不能即用，逢痘期之日，將其靨背鋪在鮮漿之上，使其氣息沾潤，或用刀尖沾鮮漿抹過靨背，亦可。凡用靨時，取備人乳少許，將刀尖刮取靨甲之肉。即痘痂向肉者放於磁器面上，以人乳滴入，令其濕潤，然後用刀尖研刮乳漿，照法刺于臂上。此特為路遠不能取鮮漿者而言，即粒靨亦可取効。

又有乾苗法，將象牙小簪二枝，各就滿漿之孩童痘上兩三次沾取痘漿，俟其乾了，藏于鴛毛筒內，用蠟密封，可留三兩日。用時取備清水一

碗煎滾。以牙簪在滾水氣上熏潤。互相刮淨。其漿推聚于簪尖上。即用刀如前法刺破孩童皮膜。隨將簪插入所破皮膜孔裏。輾轉略為搖動。得其微血。洗此漿於肌膚內亦可。或將有漿之簪插入滾水內。立即提起。搖去滾水。如法用之。但乾苗有引出。有引不出者。不如用痘靨。更不如用鮮漿。得氣較全。自然之理也。

出痘時宜辨

自刺引之後。並不發熱。起初二三日。所刺處常如蟻咬然。至第三四日。如露形影。發出痘尖。頂

脫血跡。第五六日起。如小疱。週圍灌水。第六七日。水足。灌漿。微微覺癢。第八九日。灌漿滿足。而腋底微疼。略似結核。頭額掌心俱見微熱。此週身毒由此出。毒發則火動。正要其元陽運化也。其痘灌漿滿足。有如菘豆大。有如白豆大者。第九日十日。脚外紅暈隨散。微熱必退。漿轉黃蠟色。先從痘心焦硬處變蒼而結靨。半月之外。靨落。有范。其靨光澤堅厚。捲邊如小香菰樣。細看疤內。更有幾點小疤居其中。此種情形齊備。可以告成功矣。予身曾親歷。故知之更詳。

天行之痘，鑿家先論成色。牛痘則須分真假。凡痘頂平而不尖，脚收束緊實，色如珍珠寶光，中央一點焦硬，根脚如有紅線圍纏，痘脚外有紅暈。如先天毒重始，紅暈毒輕則無。如此者乃真痘也。無水無漿，無紅線脚，或有灌水而不上漿，或灌漿如黃白膿者，其痘頂尖而不平，脚斜散而皺，不收束，色淡白暗，而無寶光，結靨黃而薄，又有中央厚而邊薄者，此假痘也。真痘既出之後，天行永不復出，即再引之，亦無復出者。假痘仍要再種，恐其遇天行復出，務須於此等處辨清，而種痘之

小兒至灌漿後，亦必須請原種痘之人看過，方保無誤。天行之痘，必由五藏一經而發。牛痘亦然。間有夜睡略驚搐，略煩燥者，主心經也。有略多眠眊者，主肝經也。有略作渴畧，作悶嘔及泄瀉者，主脾經也。有略咳嗽及噴嚏者，主肺經也。有夜睡齧牙者，主腎經也。何以既走五經，不用服藥哉。蓋引之則症輕，所謂毒不橫而症自順也。

種牛痘宜趁天行未到之先，引泄更佳。誠恐孩童沾了天行氣息，引泄適逢其時，則有出天行

而不出牛痘者。亦有天行與牛痘並出者。如播種之日。即晚或次日發熱。此乃天行在先。非牛痘發作。否則係夾感冒別症。自須延鑿診視。恐有射利之徒。自作聰明。竟將天行痘漿與人刺引。及遇發時。渾身俱出。先天毒輕者。出痘少。尚無妨礙。毒重者。出痘必多。更須鑿治。若依牛痘之法。以所種之痘苗種人。則引一顆。即出一顆。斷無多出之理。種此穴。即出此穴。亦無橫出別位之理。種痘家宜致謹焉。勿謂言之不早也。牛痘固無多出之理。亦有四顆六顆不能出全

者乎。曰有。有將奈何。曰無傷也。假如兩臂各出一顆。則泄引已勻。可無後慮。或止一臂種出。或獨出一顆。其毒已發。十數年來。亦未見有再出者。然或慮引泄未清。恐有後患。則須俟其元氣既復。一年半之後。再補種一次。更爲細密。然彼時毒氣已輕。即或種出。必不如初次之形象矣。又有八九月灌漿如藍紫色。此係胎毒極盛。亦必須次年補種。更有種一次。一顆不出。至種第三次後出者。此非引泄不驗。良由小兒先天毒氣太盛。根深蒂固。一時難于引拔。尤須隨期

復種。倘不再引。恐毒已微動。不得其苗。引發。必然惹出天花。雖有痘科鑿治。亦無牛痘之從容自在也。余所見不一。為父母者。不可自悞。憶盧澹庵農部。囑予為其子女數人齊種。獨其少君連種三次不出。隔年餘天行時出痘。症果危險。此可見毒氣深伏。一時引泄不出之故。然至三次不出。則吾見亦僅矣。

種痘之初四五日。宜食火腿臘鴨瘦猪肉鮮魚素菜豆腐冬筍元荖葶薺甘蔗清湯粥飯一切清淡各物。吐瀉則不宜食魚腥。灌漿後亦不宜食元荖冬筍及豆腐甘蔗葶薺諸涼

物。到灌漿水時。觀其似弱。則稍食鮮鰕鮮蟹。催助漿水。壯旺者。不食亦可。忌食生鷄鯉魚牛肉。恐痘破成坑。不能合口。又恐結痂後。痂旁紅腫如類痘瘡。及一切煎炒熱毒麪食凝滯之物。放苗之初。太酸太鹹各物。不宜食。豆腐食多。亦恐致癢。

出痘後須知

種痘後斷不再出。間有出者。名曰小痘。非真痘也。猶之天花之後。亦有水痘。必先發熱一兩日。然後發出。仍亦灌漿。其中或有數顆略大。亦似灌漿。痘脚亦似有淡淡紅線。但六七日必結靨。

醫薄如紙萬無妨礙。幸勿誤聽人言認爲再出。其有先天毒盛發泄未清出麻疹時必密延醫用一二發表之劑疎解之。卽安然無事。間有痘後卽出麻疹等類亦須延醫治之。非恐大礙時要孩童不致辛苦耳。

又間有結痂後臂上痘痂之旁紅腫略類痘疤。此固萬中無一宜用豆心渣即豆渣或三豆散紫花地丁芙蓉膏四圍敷之。留頂勿敷使其毒由頂出。憶予所種惟常博何公夢谿少君又木坊崔渭生令媛及中協兵弁張耀清之孫有此按

煥按許
疑計

藥治之無不立效。十數年來種小兒以萬許所見者僅三人。此外不復有矣。

或腠理氣血凝結致枝節生瘡用綿繭散敷之即愈。無論諸瘡如濕爛用金華散搽之瘡乾則以猪油調敷若生癩癬燒乾陳牛糞敷之。

或問天花忌抓破此獨不忌何也。予曰此原是針刺法毒以刺而引出刺且不妨抓破何害。

又問取鮮漿特於取漿之小兒有妨礙否。曰予已試驗諸千萬人俱未見其有妨礙也。其所以疑有妨礙者緣種痘之人見有好痘捏破痘漿

盜以作種。其取漿之時。或手刀太重。或捏入太深。或漿未灌滿。而取之。非其時。或筋脉有關。而取之。非其處。如是則或致有礙耳。若牛痘之法。則不然。俟其八九日灌漿滿足。輕輕點取。於已無損於人有益。何樂而不為乎。蓋痘之患在毒。痘漿既滿。則毒已盡。泄取之。得法斷然無礙。且予之行此。亦不過以善方濟人耳。若損此而益彼。即予亦不肯為也。

遇有抓破者。係在某七日以前。仍必灌復漿水。如在八九日以後。則不能灌復。然其毒已引動。

洩破亦無妨礙。或有隨而結痂者。倘成膿不乾。用武夷茶煎濃洗之。或黃豆皮煎水洗之。或朋

脂膏。鯽魚膏。蠟梅油。貼之皆可。若成膿而不能

合口。用生肌散。摻之。外洋原有藥水。藥膏。治此立效。因不能常得。故不錄。

以上各條。皆予所親試。而立效者。引無不出。出無不佳。不患後災。不憂復發。以鑿痘至難之事。

今變而為至易。莫非上蒼愛憐赤子。有意使然。

夫父母之于子。未有不欲其以生。以長。以至成

人。顧聽其自出。天花症有險易。鑿有賢愚。懸懸

莫必。孰若趁其毒之未發。引而出之。不費一錢。

不受一嚇何等放心何等快意耶所願為父母者深信勿疑同志者廣為傳布此則子之厚望亦凡為父母者所厚望也夫

此後更委然其先之有黃耳之威本然之理則其如本然也

煥按始

出痘有勿藥有用藥論其珍儒而取真

自乾坤始奠而後天地與人謂之三才人居其

中天覆地載同一體而受一氣豈有厚薄之分

哉然亦有不同者地氣使之然也儒嘗考夫引

痘前篇邱君浩川肇自西洋兩廣公卿頌揚題

詠其所引種自綻花以至落靨皆勿藥而奏萬

全故喜而師之習其業以利於世行之本省

仕宦以及鄉戶童男童女體氣強壯者間不服

藥體氣素弱者仍亦用藥起發用藥灌漿兼以

飲食調護方可得心應手否則漿無寶光靨無

小疔。而毒不能盡泄也。儒故以地氣之不同錄其方以公於世。專是科者遵而行之。是則儒之所厚望云。服或宜引經藥一分或二分。開水泡自刺種之後。即宜引經藥一分或二分。開水泡服。打通人身關節。關節通則痘苗得其門路。層遞而入。現點之後。細看其起發何如。若現點之處。其色通紅。而有小珠。不必服藥。用椿葉切碎。煮豆腐數塊。和湯食之。如色淡紅而珠不圓。起發不快。服宜提痘毒散一劑。或二劑。蓋毒得宜提。則痘苗層遞而出。起水之期。痘□平而明亮。

通白。外有紅暈。不必服藥。用姜汁煮鯽魚數尾。和湯食之。若痘色淡白而暗。服托漿滿頂散一二劑。灌漿之期。色若珍珠寶光。痘脚紅暈鮮活。不必服藥。用椿葉切碎。蒸雞蛋數次。次第食之。若痘色暗而無寶光。出現痘脚外面無紅暈纏繞者。服參歸鹿茸湯。或千金內托散一劑。蓋毒不托。則漿不滿。漿不滿則毒不盡。滿漿轉蟻。不必服藥。並宜禁忌雞魚豆腐葱蒜一切發物。以便結靨。落痂之後。服玄參解毒湯數劑。掃除餘毒。以保萬全。方中所以藥食並用者。恐草木之

性不能全其人身氣血而參以滋助痘漿之飲
食贊助成功俾天下赤子出是痘者顆顆玉潤
珠圓人人神定氣足豈不快哉

宜提痘毒散 防風 二錢 升麻 半錢 蕪葉 二錢

荆芥穗 二錢 連翹 半錢 枳殼 二錢 桔根 二錢

羌活 二錢 白芷 二錢 甲珠 三片 川芎 二錢 前

胡 二錢 干葛 二錢 牛子 五分 小木通 一錢 甘草 一錢

姜三片 燈芯三莖 引 任 枳實 水煎 湯 湯 湯

歌曰宜提痘毒外蕪防荆芥連翹枳桔羌白芷

甲珠芎草入前胡干葛木通良牛子燈芯姜作

引升提痘出保平康

托漿滿頂散 生芪 五錢 秦歸 四錢 酒芍 三錢

生直皮 四錢 黨參 四錢 條風 三錢 川芎 三錢 甲

珠 三片 連翹 一錢 白芷 三錢 炙草 一錢 香 黃豆

二十粒引糯米酒一杯對服

歌曰托漿滿頂四物君參芪山甲北防風連翹

白芷炙甘草各味和勻水煎濃黃豆為引二十

粒旨酒一杯贊化通

參歸鹿茸湯 蜜棉芪 五錢 黨參 五錢 鹿角

膠 四錢 老山桂 粗皮 去 秦歸 四錢 炙草 六錢

姜一片福圓三枚引酒對服按本方原有人參
鹿茸蛟桂藥力雖大藥價不輕故變其方以便
於用

歌曰參歸鹿茸用三錢蜜炙黃芪貴嫩綿炙艸
一錢姜一片福元好酒服安然

千金肉托散 秦歸 四錢 酒芍 三錢 黨參 五錢

北防風 三錢 白芷尖 三錢 生芪 五錢 木香 五錢

川芎 三錢 老山桂 一錢 山查 一錢 厚朴 七分 甲

炙艸 一錢 姜二片引酒對服

歌曰千金肉托十二味歸芍參芪防芷桂木香

甘艸及川芎厚朴山查姜酒是

玄參解毒湯 元參 三錢 干地 三錢 赤芍 半錢

秦全歸 三錢 連堯 三錢 牛子 三錢 地骨 一錢 荆

芥 三錢 防風 三錢 水通 八分 淡竹葉 八分 石羔

燈芯引以上數方分兩輕重因人大小加減

歌曰玄參解毒湯四物連堯牛子與地骨荆防

石羔淮木通除却川芎竹葉入

綿繭散 邱先生傳 治痘損破膿水不止取

出蚕蛾繭不拘多少將生明礬為末填入繭內

燒煨成灰研細末摻之其水自乾

又方 太 凡 補 肺 末 爲 之 其 水 自 掉

每 蘭 入 明 礬 五 分 過 煨 其 礬 一 兩 加 配 陀 僧 五 錢

白 芷 一 錢 爲 末 以 蜜 調 敷 或 能 新 煎 水 不 止 痘

捲 舒 散 不 能 新 煎 水 不 止 痘

菘 豆 一 兩 茶 葉 五 錢 雄 黃 三 分 冰 片 二 分 俱 研

共 爲 細 末 如 痘 乾 用 芙 蓉 花 油 或 臘 梅 花 油 開

搽 若 痘 濕 則 用 末 摻 之 八 分 爲 末 入 水 煎 之

又 方 凡 痘 毒 入 心 者 宜 用 此 散 貼 之 其 效 如 神

松 花 粉 二 錢 黃 丹 一 錢 研 勻 摻 之 凡 痘 毒 入 心 者 宜 用 此 散 貼 之 其 效 如 神

又 方 凡 痘 毒 入 心 者 宜 用 此 散 貼 之 其 效 如 神

用 武 夷 茶 煎 濃 水 洗 清 膿 拭 乾 以 京 都 胭 脂 膏 貼 之 或 用 鯽 魚 膏 貼 之 或 用 臘 梅 花 油 潤 紙 貼 之 亦 可

○ 治 痘 潰 爛 凡 痘 潰 爛 者 宜 用 此 散 貼 之 其 效 如 神

灰 草 散 凡 痘 潰 爛 者 宜 用 此 散 貼 之 其 效 如 神

荔 枝 殼 微 燒 存 性 草 紙 燒 灰 存 性 多 年 陳 茅 草 晒 乾

三 味 共 爲 細 末 摻 于 爛 處 即 收 水 結 痂 亦 可 用

白 龍 散 凡 痘 潰 爛 者 宜 用 此 散 貼 之 其 效 如 神

用 陳 久 乾 牛 糞 燒 過 取 中 間 白 者 研 末 敷 之

豆 灰 散 凡 痘 潰 爛 者 宜 用 此 散 貼 之 其 效 如 神

黃豆燒灰研為細末摻之。

○治痘潰爛流血不止中間自落未盡者敗毒散

取多年蓋牆屋之爛草或稻草洗淨泥垢晒乾為末此久經風霜雨露之濕而感天地陰陽之氣善解瘡毒收濕氣也。

○治痘破成坑不能合口

生肌散

黃連二錢黃蘗二錢甘草三錢地骨皮二錢

五倍子二錢枯礬二錢共為細末摻之

○治痘後諸瘡

金華散

黃連 黃栢 黃芩 黃丹 大黃以上生用

輕粉各等分麝香少許共為細末瘡乾則用猪油

調敷瘡濕則摻之。

○治痘疔

拔毒膏

雄黃 輕粉 豆共為細末用胭脂水調敷

○治痘風癬

黃豆衣殼煎水洗之自散

煨按痘
豆

○治餘毒紅腫凡敷藥皆留頂勿敷使

三痘散

菜豆 黑小豆 赤小豆 共為末調醋敷之

或以七夕水調敷

又方

用豆心渣敷患處

又方

口嚼爛白豆敷之

又方

用紫花地丁搗爛外敷任無名腫毒無有不退

芙蓉膏

用芙蓉花或葉或皮或根俱可花更佳黃荆子

各等分共搗爛用雞蛋白調敷兩三次立效

必勝膏

馬齒莧 搗汁 猪膏 蜜糖 共熬膏敷之

如意膏

南星 八錢 半夏 一兩 大黃 一兩俱生用 白芷 鬱金

姜黃 蒼朮 各五錢 共為末用醋調敷

又方

黃豆 姜葱 共搗敷之亦消

主 九 峻 室 痲

黃豆 姜 葱 薑 共 煎 湯 之 亦 飲

父 杖 散

姜 黃 蒼 朮 合 煎 使 共 煎 末 用 酒 醋 煎 之

南 星 心 夾 半 夏 一 兩 大 黃 一 兩 白 芷 鑽 金

吹 意 膏

黑 齒 莫 共 煎 膏 燒 艾 共 煎 膏 燒 艾

吹 翻 膏

各 藥 令 共 煎 用 銀 蛋 白 醋 燒 兩 三 次 立 效

用 美 蓉 外 夾 葉 走 虫 夾 時 財 河 黃 附 子

夾 蓉 膏

跋 譚 思 樂

古 之 痘 科 諸 書 輕 重 順 逆 吉 凶 危 險 難 以 一 定

醫 家 因 見 變 症 百 出 議 論 紛 紛 雖 有 專 科 熟 習

其 業 精 思 其 意 通 知 其 理 而 無 所 惑 亦 萬 全 之

難 獲 也 余 自 少 知 醫 觀 乎 靈 樞 素 問 肇 自 軒 岐

他 如 痘 科 正 宗 痘 疹 心 要 保 赤 全 書 種 痘 新 書

活 幼 心 法 痘 疹 定 論 諸 書 淵 源 起 自 漢 建 武 二

十 五 年 馬 援 將 軍 領 兵 征 蠻 始 有 痘 症 後 有 劉

河 間 錢 仲 陽 張 潔 古 陳 文 中 朱 丹 溪 王 海 藏 張

遜 玉 聶 久 吾 朱 玉 堂 輩 皆 卓 卓 名 家 迥 殊 庸 劣

以爲先天胎毒藏於命門。觸之即發。且有後天飲食之火毒。伏於坎離。然必待天時厲氣。其毒始發。而爲痘。因此著書立說。不一其人。祖述師傳。不一其法。聞千古之秘奧。救萬世之嬰兒。其功偉哉。然此毒一發。必由五藏六腑。暴烈橫攻。爛額焦頭。人望而畏。輕者亦損二三。重者不存五六。多方調治。難保萬全。嗚呼。余心不能無恨焉。安得以萬全之計。令天下之赤子。無一天札而後快哉。歲丙戌。桂陽李君荆山。同邑吳君珍儒。兩大先生。度苗胡盧坪。爲人種痘。有西洋引

痘一書。所載引種諸法。於理最詳。簡繁易曉。而且轉難爲易。轉危爲安。余故喜而善之。但未曾親試。難免無疑議也。先生持書指誨。兼爲傳授。余得是書。朝夕覽閱。研究精微。方能悟其神且妙者。而胸臆羣疑渙然。冰釋矣。戊子歲。付梓刊傳。以濟天下。用心可謂仁矣。衡清各處。無不信從。吾見斯道之行。果能操必券。而獲十全之效也。庚寅春。余里天花流行。人人尚欲遠避。余邀友人張孟擇。爲余兄弟子女引種。戚隣見其法至善。咸踴躍延請。與夫流行之天花。同行同坐。

曆家爲最家。曆家姑弗詳，詳其鑿。其科無內外大小之分。著有臟圖、腑圖、脈圖、筋骸圖、經絡營衛圖。凡人身之關節與窾，披圖了然。而其臨症則有視色、視毫毛、聽聲、寫形諸法。診脈則有六度、九候、五氣之分。此非海外之神異，而爲中國所未聞者歟。洋痘者，鑿之餘技也。其巔末前序，倫載無容贅述。自嘉慶元年，外洋人航海至粵，此法遂傳於中國。逾十餘年，粵之乳邑出水岩廖某者，得術以歸。吾宜與乳比鄰，聞其術甚神。初未之信，後得李瞻山先生延而試之，果驗。然

猶未盡信無疑也。復請業鼻苗痘者試之，不但無痘，即身亦不復熱矣。繼又有姻親李牧堂之姪，亦反覆相試，毫無發露。僕亦隨試于小兒女，悉如前無恙。然後嘆洋痘之術之果不欺人也。信矣哉。夫洋痘與鼻苗痘所爭，不過氣血之分耳。世人必謂洋痘假而鼻苗痘真，何也。豈以鼻苗從鼻入，屬氣分者爲真，洋痘從臂入，屬血分者爲假乎。不知氣與血二者本相流通，人藉氣以生，未有不資血以活血。如不行氣能獨運乎。何洋痘一術，風聞者徃徃從而疑之，謂遲至十

年或二十年必然復出。夫同一痘也。鼻苗引先天之毒。洋痘獨非引先天之毒乎。既同引先天之毒。又焉有真假之別乎。今持是說以與天下爭而信者十之一。不信者十之九。此亦囿於一隅之見耳。請即其易曉者言之。如曆法律呂二家。中國有之。究不若外國之精且簡。銅壺滴漏。仙器也。洋人訪其規則。有時辰鐘。時辰標之異。製鐘鼓琴瑟樂器也。洋人擴其義。則有銅絲琴。指環鐘之巧音。又况小呢羽毛之類。其出自外洋者。皆為珍於中國。此固人所共見共聞者也。

茲乃於其有資日用者。相率以為常。于其有利嬰孩者。遂驚疑以為怪。甚至洋烟一事。其貽害于人者。匪淺且。羣然呼之吸之。而於洋痘則忌之。譏之。嗚呼。何其愚之甚也。且夫洋痘之與鼻苗痘。其難易緩急。固有間矣。與其種鼻苗。而有周迴五藏之難。孰若種洋痘。而使直達命門之易。與其鼻苗一種。而使嬰兒身弱體困。發而為大熱。為咳嗽。為口渴。痘多者。或至倉皇失措。如此其急。孰若洋痘一種。而令嬰兒嬉笑自如。飲食無恙。如此其緩。是其孰利孰害。不待智者而

知也。世人不察，咸謂洋痘之無濟，獨不聞粵省洋行開局放痘，不取毫利，孰非爲小兒造普渡慈航乎？况天地之生人，爲貴骨肉之愛人，所同使果其無濟，孰肯以己之子女置之生死呼吸之際，而輕以試法者哉？即僕亦何心，有不自愛其豚犢者哉？總之四海之外六合之內，何所不有。凡語言風教物產技術，其因地而異者，書亦不能盡誌，要在審其有利而無害者，信之而已。洋痘之術爲法便而收功捷，常也非怪也。人奈何而不爲此？今特取其成書付之，梨棗竊願天

下之人共明斯理，共詳斯術，俾嬰兒永無夭札之災。同登仁壽之域也。則幸甚。或有疑僕借此爲射利之階者，苟存是心，天神必殄。

僕不事此道幾三十年，今洋痘書成，特將生平所見聞而盡信者，不計工拙臚列，述之附於篇末，無非爲洋痘打破疑團，惟願世之

仁人君子，覽此者，毋以文法求之，可也。

時

道光七年丁亥歲清和節前二日秋潭周純熙

題於四知草堂之東軒
 一日...
 使...
 之...
 其...
 有...
 為...
 步...
 不...

引痘明辨 淶江羅如錦

原夫痘先天胎毒先天者交構之初胎者成形

此無形無影潛伏五臟深隱命門腎屬水位北

陽即是感觸天行發出肌膚自漢迄唐治法無

傳人多夭札至宋相王且生數子皆遭此厄後

舉子曰素且懼不免廣求名醫得

天姥與之種痘獨得保全厥後明鑿代起治法

日詳皆遵其法擇天時清和察兒體無病將苗

種於鼻內以鼻孔為肺竅通呼吸隨氣分引傳

於肺脾及心肝腎至六日發熱九日退熱散現

肌膚顆數稀少見體安然是為順症不假調治
 倘遇天時不和或見臟腑有乖謂內傷飲食積滯燥熱胎
 毒隨氣觸動邪火痘出稠密蓋邪火盡化為痘
 失於清解多不能救或為風寒所束隱伏不出
 失於升散變症多端亦有不救其有元氣虛弱
 不能送毒出外失於溫補亦至不救以上三條
 是為險症調治得宜轉凶為吉失宜吉亦成凶
 又有症兼夾雜鑿非老成鮮不悞事更有逆症
 初起無救雖神工妙劑不能奏效豈不傷哉
 嘉慶十年西洋國鑿咕拿自小呂宋地航海至

粵與人種痘獨操萬全其苗不同初取於牛名

曰牛痘嗣後以人傳人其法更易種於兩臂消

燦穴清冷淵穴俠白穴三處審穴最宜斟酌怒

聰明不按穴不能辨痘之真假妄與人種日後復出必使羣疑不信實堪痛惜隨血分

引入三焦及腎從腎中引出命門胎毒由肝心

及脾肺第三日仍從兩臂發出小兒並無煩熱

困苦自始至終嬉笑飲食一切如常初傳其術

人未之信惟邱公浩川信得其傳試之果驗

遂行其法萬不失一余初業岐黃繼習痘科多

年每見逆症莫之能救慘目傷心後遇嶺南

廖鳳池先生得其秘授種牛痘之法喜不自勝猶信疑莫決旋將家人未出痘者種之果效已出者種之不發又將出過牛痘者以鼻苗種之亦不發反復屢試信無疑矣且此法無論春夏秋冬隨時可種至簡至便無害無災又不傳染他人此誠去險履平避危就安之妙法也不惟小兒省却疾苦即為父母者亦省却憂勞法至善也因敬述原委佈告同人堅信毋疑倡明斯道俾天下後世嬰兒不罹痘症之厄而同登壽域也休哉

牛痘一法簡便萬全人疑不信謂鼻苗痘六日發熱九日出現必忌風寒穢物擇飲食而牛痘不然不發熱三日即現不忌風寒穢物不擇飲食疑其出於皮毛淺近之間非若鼻苗痘從藏腑發出也持此說者是不明陰陽氣血之理獨不觀內經云氣為陽血為陰腑為陽藏為陰氣清血濁陽動陰靜理固然也又曰陽性速陰性緩此二語與痘相反錦按其鮮亦有至理存焉蓋由氣者陽也清而忌穢始由氣而終歸於血初則從鼻隨氣入肺

傳脾及心肝腎。陽數逆行。晝傳腑夜傳藏。五晝夜傳遍五藏腑。而心包絡與三焦則寄傳。五晝夜猶脾寄旺。四季也。然此五晝夜胎毒猶在氣分。尚未入血。而衛不于營。營血安靜。故無熱。至六日胎毒隨氣併入於血。血為氣擾。營衛不和。故發熱發熱則毫竅開。故忌風寒。由是胎毒與氣血同傳。則晝傳一藏一腑。夜傳一藏一腑。兩日半傳遍。第九日胎毒盡歸於血。而衛氣平和。熱退神清。痘乃散現。四體以象乎動。惟其動也。故鼓舞發熱。氣血藏

腑皆動。而諸症疊現。由氣者所以緩而重也。若夫由血者陰也。濁不忌穢。始終不由氣分。不由氣則營衛協和。故不發熱。不發熱則毫竅閉。故不忌風寒。初則從臂隨血。直達三焦及腎。從腎中引出命門。胎毒由肝心及脾肺。陰數順行。乃晝傳一藏。夜傳一藏。腑陽血陰。故順傳。兩日半傳遍。第三日仍從兩臂發出。以象乎靜。惟其靜也。故安然如常。氣血藏腑皆靜。而一症始終。由血者是以速而輕也。然由氣者終必歸血。由血者獨不歸氣。其故何也。

蓋無形之氣能生有形之血。有形之血不能生無形之氣。况痘體是血。由氣者所以必歸血。由血者是以不由氣耳。此常論血緣氣者。道光十四年甲午歲仲春月湘潭向南橋錄刊。

堅信洋痘說

人誰不愛兒女。愛兒女誰不慮及出痘一事。必
要過了這個關頭。方算得是自己兒女。今有種
洋痘一法。不避風。不禁口。行所無事。萬無一失。
豈不大好。奈何猶不能盛行。只是人不能堅信。
怕出了。洋痘遇着天行痘子。又會復染。夫廣東
行此近三十年。予所問廣東人多矣。皆言從未
有復出者。廣東三十年來所生之人。在外省仕
官商賣者不少。未聞有再染天行痘子者。就是
湘潭雖未盛行。前三四年也有十數家出洋痘。

何曾再染天行痘子來。且今年有幾家出了洋痘。信不的確。又吹苗試之。並不復出。此亦實信得過了。或謂種洋痘者。過十年當復出。果爾則十年一回。百年不過十回。穩也。當也。不費力。況乎必無此理也。試想他從兩臂點苗。畧刺皮膚。微見血點。到次日已無形跡了。若不是直達藏腑。如何過了。三四日方見紅影。又三日長水。三日灌漿。三日結痂。如期不爽。與吹血一般。長得晶圓飽滿。比吹苗之痘更好看些。蓋先天之毒蘊於無形。以氣引氣。而痘出焉。吹苗是以

氣引氣。點苗也是以氣引氣。爲何獨信吹苗而不信點苗乎。但點痘之家。主人必須留心。其結痂之後。痂是尖頂斜脚。則毒氣未出。必要點過方能算得。即不尖頂斜脚。而當長水灌漿時。小兒氣血不足。或有泄瀉之病。不能長到飽滿。毒氣須出而未盡出。必須重服者。木等藥。補脾助氣。使他長得十分飽滿。方好。誠恐本要再點。而主人自以爲算得過了。業痘科者。亦照管不到。則萬中或有一二復出者。蓋此法原有引至兩次三次之說。不可顛項了事也。若因本要再點。

煥按過
疑過

未及再點過天行痘或又復深則人皆藉口益
無復有信之者矣豈不大可惜哉予考醫書中
載嬰兒生數日刺出臂上汚血終身可免出
痘一條後穴道刀法皆失傳今之點痘或其遺
法也夫以萬全之法失傳已久而今復行者大
約前此劫數未滿而今日洋烟入中國害人
不可勝計把那劫數抵過了故此法亦從洋來得
以保全嬰兒之年壽耳若不堅信而遵行之是
違天而自外於生生之理矣予家中今年小兒
出洋痘者十餘人目擊其事深察其所以然堅

信不疑欲以堅天下人之信因以俚淺之詞爲
堅信洋痘說

道光辛卯冬湘潭黎光曙刊布

引痘新法全書 大尾

引痘新法全書

世三

山宛館藏

代醫家大全書

九曜室藏

此即良相良醫所以同科人若
也或先天而得順或後天而匡救
陽消長之理只推移但人心之靈
騰降之中而不覺也。不能不与陰
在天地中間者。雖終始於細縷
題引痘新法全書

此即良相良醫所以同科人若
也或先天而得順或後天而匡救
陽消長之理只推移但人心之靈
騰降之中而不覺也。不能不与陰
在天地中間者。雖終始於細縷
題引痘新法全書

引痘新法全書跋

九曜室藏

徒知隨陰陽消長之理而後仰。而不知將順區救以代其工。則將何以見其靈之為靈哉。是固冰腐者所與知也。同明相照。同聲相求。天地之廣。不易測。事不必出於己。唯能者能取其能。所謂與人為

善者矣。人生之樂。生育子姓。莫大焉。而瘡痍常害之。攻瘡科之。為任倚賴家甚。然近時稱為達練者。問之云。能逆識其善惡生死之機不術矣。及其極術也。不能俾其惡者為善。而其善者不必樂。

別人安能有此株守無所用之技乎。乃無素生有素之多受宣樂也。天地間自有個竭精凝神之人出此一奇特術。真補天之手矣。西洋之書既稱其善。則蓋有所當矣。牧國年刻此書。欲與世

之達者俱之。可謂能者能取其能矣。自今而後。可以期世人生有之樂多。天札之多。宣矣。年刻成命。余六一之。余為天人喜而題。弘化景年仲秋。貫名苞。



則入...
 經...
 命...
 黎...
 秋...
 秋...



